

**საჯარო სამართლის იურიდიული პირი –
ბათუმის ხელოვნების სასწავლო უნივერსიტეტის
აკადემიური საბჭო**

ქ. ბათუმი

14 სექტემბერი, 2012 წელი

და დ გ ე ნ ი ლ ე ბ ა № 2

**„ბათუმის ხელოვნების სასწავლო უნივერსიტეტში 2012-2013 სასწავლო
წლისათვის სამაგისტრო პროგრამებზე მაგისტრანტობის კანდიდატთა მიღების
წესის შესახებ“ აკადემიური საბჭოს 2012 წლის 28 მაისის № 125 დადგენილებაში
ცვლილებების შეტანის შესახებ**

„ზოგადი ადმინისტრაციული კოდექსის“ 51-ე, 52-ე და 53-ე მუხლების,
„უმაღლესი განათლების შესახებ“ საქართველოს კანონის მე-2 მუხლის 3²⁹ პუ-
ნქტის, 22-ე მუხლის პირველი პუნქტის, 52¹-ე მუხლის მე-8 პუნქტისა და
ხელოვნების უნივერსიტეტის წესდების 23-ე მუხლის მე-3 პუნქტის საფუძველზე

აკადემიური საბჭო ადგენს:

1. შეტანილ იქნას ცვლილება აკადემიური საბჭოს 2012 წლის 28 მაისის № 125
დადგენილების დანართის მესამე თავის მე-4 და მე-5 პუნქტებში და ჩამოყალიბდეს
შემდეგნაირად:

„4. მაგისტრანტობის კანდიდატთა განცხადებების მიღება სახვითი, სასცენო და
კინო-ტელე ხელოვნების და განათლების, ჰუმანიტარულ და სოციალურ მეცნი-
ერებათა ფაკულტეტებზე გაგრძელდეს 2012 წლის 03 სექტემბრიდან 25 სექტემბრის
ჩათვლით“.

„5. ხელოვნების უნივერსიტეტში შესარჩევი ტურები და გამოცდები სპეცი-
ალობაში ჩატარდეს სახვითი, სასცენო და კინო-ტელე ხელოვნების და განათლების,
ჰუმანიტარულ და სოციალურ მეცნიერებათა ფაკულტეტებზე 25 სექტემბერიდან 29
სექტემბრის ჩათვლით“.

2. შეტანილ იქნას ცვლილება აკადემიური საბჭოს 2012 წლის 28 მაისის № 125
დადგენილებით დამტკიცებულ დანართში და მეორე თავს დაემატოს 6¹ პუნქტი.

„6¹. მაგისტრანტობის კანდიდატები, რომლებიც აბარებენ საშემსრულებლო
მიმართულებით, პროგრამული დაფინანსების მისაღებად კონკურსზე დაიშვებიან იმ
შემთხვევაში, თუ ტურში/ტურებში მიიღებენ 81 და მეტ ქულას“.

3. დადგენილება დასამტკიცებლად წარედგინოს წარმომადგენლობით საბჭოს.

4. დადგენილება ძალაშია ხელმოწერისთანავე.

**აკადემიური საბჭოს
თავმჯდომარე**

ე. მესხია